



God. 2, Broj 64.
10.11.2009.

PRINT-TEL

INFO- LETAK OPĆINE I OPĆINSKOG VIJEĆA
GRAČANICA

12. sjednica Općinskog Vijeća prošla u znaku rasprave o rebalansu budžeta za 2009. godinu

Dnevni red sjednice je sadržavao: odluku o utvrđivanju standarda i kriterija za imenovanje na upražnjene pozicije u reguliranim tijelima općine, informaciju o radu sportskih klubova u 2008. godini, izvještaj o snadbijevanju električnom energijom područja Općine Gračanica za 2008. godinu, davanje saglasnosti na statute mjesnih zajednica: Pribava, Miričina, Stjepan Polje, Babići i Donja Orahovica, te druge odluke, rješenja i zaključke.

U NASTAVKU PROČITAJTE:

Delegacija iz Srebrenice posjetila Općinu Gračanica 3

Primopredaja deminiranog područja prema projektu „Obala i korito rijeke 3

Posjeta delegacija općina Dobojske regije Opštini Indija 4

Započeti deminerski radovi na koritu rijeke Spreče 4

Stručnjaci "Gorenja" u posjeti Gračanici i Klasteru plastičara i alatničara BiH 4

Na redovnoj 12. po redu sjednici Općinskog Vijeća (OV), održanoj 29. 10. 2009. godine, rasprava je tekla u znaku prihvatanja izmjena i dopuna budžeta za 2009. te nacrtu budžeta za 2010. godinu. Dnevni red sjednice je pored gore navedenih tačaka sadržavao i odluku o utvrđivanju standarda i kriterija za imenovanja na upražnjene pozicije u reguliranim tijelima općine, informaciju o radu sportskih klubova u 2008. godini, izvještaj o snadbijevanju električnom energijom područja Općine Gračanica za 2008. godinu, davanje saglasnosti na statute mjesnih zajednica: Pribava, Miričina, Stjepan Polje, Babići i Donja Orahovica, te

druge odluke, rješenja i zaključke. Ukupno je na sjednici razmatrano 14 pojedinačnih tačaka. Sjednici je prisustvovalo 29



Vijećnici upućuju pitanja i predlažu inicijative načelniku Općine Gračanica Helić Nusretu

vijećnika s tim da vijećnik BPS-a, Džananović Asim, opravdano nije bio prisutan. Prije početka rasprave vijećnici su prema planu i programu sjednice upućivali pitanja i inicijative

općinskom načelniku Nusretu Heliću.

U rebalansu za 2009 godinu planirani budžetski prihodi Općine Gračanica iznose 12.509.000 KM, što je za 1.11% manje od prvobitnog planiranog budžeta za 2009 godinu. Međutim u periodu od januara do septembra 2009 godine došlo je do drastičnog smanjenja poreznih prihoda u iznosu od 1.979.000 KM ili 24.13%, plus dodatno smanjenje neporeznih prihoda od 47.000 ili 2.45% u odnosu na planirani budžet za 2009 s tim da su tekuće potpore narasle za 230.000 KM te aktualno smanjenje budžeta za 2010 iznosi 1.796.000 KM.....strana 2

U Mostaru potpisan ugovor sa Federalnim ministarstvom razvoja, poduzetništva i obrta za izgradnju poduzetničke zone u Gračanici

Općina Gračanica je u Mostaru zajedno sa 27 drugih općina iz Federacije BiH potpisala ugovor sa Federalnim ministarstvom razvoja, poduzetništva i obrta o dodjeli sredstava za izgradnju poduzetničkih

zona u Federaciji BiH za 2009 godinu u ukupnom iznosu od 2.482.000,00 KM. Ugovor su potpisali Velimir Kunić, ministar Federalnog ministarstva razvoja, poduzetništva i obrta i načelnici/predstavnici 27 općina iz Federacije BiH.

Općina Gračanica će na osnovu odobrenih sredstava od Federalnog ministarstva razvoja, poduzetništva i obrta implementirati Projekat pod nazivom "Izrada Regulacionog plana Radne zone II i III".....strana 3

12. sjednica Općinskog Vijeća prošla u znaku rasprave o rebalansu budžeta za 2009. godinu



Sjednici je prisustvovalo 29 od ukupno 30 vijećnika

Načelnik općine Nusret Helić je u svom izlaganju naveo da Općina nema deficit u budžetu ali da je radi smanjenih prihoda od poreznih i neporeznih sredstava, uzrokovanih nedostatkom sredstava od viših nivoa vlasti, rebalans budžeta obavezan.

Nastavak..... Primici su povećani za 1.219.000 KM u odnosu na planirani budžet što je povećanje od 77.15% i razlog povećanju leži u činjenici da su sredstva za izgradnju zgrade općine i sportske sale prebačena na narednu godinu. Na osnovu podataka i činjenice da su prihodi budžeta iz kojih se finansiraju tekući i kapitalni izdaci, značajno smanjeni, a da se sredstva tekućih potpora i primitaka namjenski troše trebalo je smanjiti tekuće i druge izdatke u istom omjeru da bi se dobio uravnotežen budžet. Načelnik općine Nusret Helić je u svom izlaganju naveo da Općina nema deficit u budžetu ali da je radi smanjenih prihoda od poreznih i neporeznih sredstava, uzrokovanih nedostatkom sredstava od viših nivoa vlasti, rebalans budžeta obavezan. Klub vijećnika SDP-a je podržao rebalans budžeta dok je klub vijećnika SDA bio protiv stavljajući na usvajanje tri amandmana na rebalans budžeta. Prilikom glasanja sva tri amandmana predložena od strane vijećnika SDA nisu dobila dovoljan broj glasova te nisu usvojena te je na kraju glasanja prijedlog rebalansa budžeta za 2009 godinu usvojen sa 18 glasova za i 10 protiv. U uvodnom izlaganju načelnika povodom druge tačke dnevnog reda o nacrtu budžeta za 2010 godinu naglašeno je da su smjernice ministarstva finansija TK pristigle te da je bilo moguće izraditi nacrt budžeta za 2010 godinu. Ukupno je za narednu godinu planiran budžet od 10.102.000 KM što je osjetno manje u odnosu na 2009 godinu i čiji uzrok možemo tražiti u aktualnoj ekonomskoj krizi prisutnoj u cijelom svijetu. Kada su u pitanju tekući izdaci možemo reći da su oni uglavnom manji za 10% i da su

poštovani propisi o smanjenju javnih troškova. Izdaci za plaće, doprinose i naknade iznose 2.648.700 KM i manji su u odnosu na 2008 godinu za 10.47%. Također izdaci za materijalne troškove manji su za 14.12% a došlo je i do smanjenja za 15.51% u tekućim grantovima. Obzirom na smanjeni budžet u odnosu na 2009 a posebno 2008 godinu sredstva predviđena za kapitalne izdatke su umanjena i stoga se prilikom planiranja kapitalnih projekata za 2010 godinu obraćala pažnja na sledeće principe:

Započeti i ugovoreni projekti

Projekti koji se finansiraju sredstvima viših nivoa vlasti, namjenska sredstva, kao što je infrastruktura poslovne zone, toplifikacija, vodovod Gornja Orahovica, itd.

Započete procedure na p r o j e k t i m a vodosnadbijevanja.

Bitno je napomenuti da se krajem 2010 godine završava otplata obaveza prema dobavljaču za projekt izgradnje puteva na 5. godina a sa 31. 03. 2010. završava se i otplata kredita kod Svjetske Banke što u konačnici znači da već u 2011 godini može se predvidjeti više sredstava za oko 1.000.000 KM u budžetu Općine Gračanica. Klub vijećnika SDA je u r a s p r a v i n a k o n prezentiranja budžeta insistirao na tome da budžet nije urađen po nekim kriterijima te da pojedine MZ konstantno ne dobivaju sredstva i nalaze se u podređenom položaju. Sead

Memić je ispred kluba SDP-a naveo da je budžet za 2010 godinu dobro i na realnim osnovama urađen te da je stavljen akcenat na asfaltiranje preostalih dionica te vodosnadbijevanje. Nakon što je javna rasprava završena pristupilo se glasanju te je nacrt budžeta za 2010 godinu usvojen sa 18 glasova za te 10 protiv.

U nastavku sjednice od preostalih 12 tačaka dnevnog reda njih 11 je usvojeno dok je informacija o radu sportskih klubova u 2008 godini, predložena kao 7. tačka dnevnog reda, odbijena sa 15 glasova za, 9 protiv i 2 suzdržana. Kao razlog za



odbijanje 7. tačke dnevnog reda je naveden nedostatak finansijskog izvještaja o raspodjeli sredstava iz budžeta predviđenih za sport u 2008 godini te su klubovi SDA i Stranke za BiH bili protiv usvajanja informacije u ponudenoj formi. Na kraju same sjednice kao tačke 9, 10, 11, 12, 13, data je saglasnost za statute mjesnih zajednica: Pribava, Miričina, Stjepan Polje, Babići i Donja Orahovica. Bitno je naglasiti da su vijećnici iz svih stranaka u vijeću dali svoj glas za usvajanje statuta gore navedenih mjesnih zajednica.

Delegacija iz Srebrenice posjetila Općinu Gračanica

Delegacija Općine Srebrenica doputovala je u radnu posjetu Općini Gračanica i tom prilikom upriličena je posjeta načelniku općine g. Nusretu Heliću, Klasteru plastičara i alatničara te Udruženju poslodavaca i samostalnih privrednika Gračanica. Delegaciju iz Srebrenice predvodio je načelnik općine Srebrenica Osman Suljić, sa pomoćnicima, Savjetnik načelnika za privredni razvoj Miloš Vukosavljević, viši stručni saradnik Arif Golubović, savjetnik za međunarodnu saradnju Muhamed Duraković te predstavnik USAID-a za Srebrenicu Nermin Zukić. Teme razgovora tokom posjete uglavnom su se odnosile na

uspostavu prijateljskih odnosa između dvije općine, razmjenu iskustava te pokretanju inicijative za potencijalno ulaganje Gračaničkih privrednika na području općine Srebrenica.

Prilikom boravka u uredu načelnika Općine Gračanica predstavnici obje općine su iznosili svoja iskustva u radu te razmjenjivali osnovne podatke vezane za strukturu, prirodna bogatstva, ekonomski položaj te imidž općina, s tim da su predstavnici iz Srebrenice posebno obraćali pažnju na potrebu izmjene imidža koji Srebrenica nosi nakon agresije na BiH, s ciljem da se Srebrenica predstavi kao otvoreni grad spreman za svaki vid saradnje. Posjeta Klasteru plastičara i alatničara obuhvaćala je

upoznavanje delegacije iz Srebrenice sa primjenama najnovijih CAD i CAM tehnologija u izradi alata za CnC mašine koje se bave izradom 3D modela za primjenu u industriji prerade plastike i metala. Posjeta gostiju iz Srebrenice završena je posjetom Udruženju poslodavaca i samostalnih privrednika gdje je delegacija iz Srebrenice ostvarila prve kontakte sa privrednicima iz Gračanice pri čemu su gosti predstavili svoje planove za buduću saradnju, bacajući najveći akcenat na prirodna bogatstva u Srebrenici (šume, rudnici, itd.) a koja bi privrednici iz Gračanice mogli eksploatirati. Kako je ova posjeta bila inicijalnog karaktera na kraju sastanka dogovoreno je da se u narednom periodu ostvare i drugi kontakti čiji cilj će biti daljnje jačanje saradnje između Općine Srebrenica i Gračaničkih privrednika.

U Mostaru potpisan ugovor sa Federalnim ministarstvom razvoja, poduzetništva i obrta za izgradnju poduzetničke zone u Gračanici

Nastavak.....Kao krajnji cilj izrade Regulacionog plana Radne zone II i III navedeno je stvaranje pretpostavki za osmišljenju racionalnu izgradnju male privrede.

Novčana sredstva za izgradnju poduzetničke infrastrukture Federalno ministarstvo razvoja, poduzetništva i obrta dodjeljuje općinama od 2005 godine i do sada je za ove svrhe iz budžeta Federacije BiH izdvojeno oko 3.900.000,00 KM (2005. – 2008. godina). Važnost ulaganja u izgradnju Poduzetničkih zona prepoznale su i općine ali i Vlada Federacije BiH koja je 2007. godine usvojila Program

„Izgradnja poduzetničkih zona u FBiH“, na prijedlog Ministarstva, koji je doprinio većoj zainteresiranosti za uspostavu i izgradnju poduzetničkih zona u FBiH.

Dosadašnja ulaganja i doprinos Programa „Izgradnja poduzetničkih zona u FBiH“, kroz „Transfer za poticaj razvoja, poduzetništva i obrta“ :

- 2005. godine - dvije zone u ukupnom iznosu od 25.000,00 KM,
- 2006. godine - četiri zone u ukupnom iznosu od 120.000,00 KM
- 2007. godine - 12 zona u ukupnom iznosu od 356.000 KM,
- 2008. godine - 25 zona u ukupnom iznosu od 2.790.000,00 KM
- 2009. godine - 27 zona u ukupnom

iznosu od 2.482.000,00 KM Ukupan iznos koji je Vlada FBiH izdvojila za izgradnju poduzetničke infrastrukture u Federaciji BiH (2005. - 2009. godina) je 5.773.000,00 KM.

Novčana sredstva za izgradnju poduzetničke infrastrukture Federalno ministarstvo razvoja, poduzetništva i obrta dodjeljuje općinama od 2005 godine i do sada je za ove svrhe iz budžeta Federacije BiH izdvojeno oko 3.900.000,00 KM



U prisustvu općinskog načelnika Nureta Helića, direktora kantonalne uprave Civilne Zaštite Zdenka Tadića, predsjednika mjesne zajednice Donja Lohinja Šestan Husejina te inspektora BH MAC-a i predstavnika firme Mekem izvršena je primopredaja deminiranog

Primopredaja deminiranog područja nakon sprovedbe projekta „Obala i korito rijeke Spreče“

projekta Obale i korita rijeke Spreče 12 ukupne površine 7.824 m². Radovi na ovom projektu započeli su 20. 10. 2009. godine a radi se o projektu I kategorije sa liste prioriteta deminiranja i tehničkog izviđanja za područje Donja Lohinja-Pribava, Općina

Gračanica. Radove na projektu uspješno su vodili i završili uposlenici firme Mekem BH iz Sarajeva. Na isti dan sa početkom u 10:00h planirano je i otvaranje radilišta na projektu Obala i korito rijeke Spreče 9 ukupne površine od

17.370 m². Do sada je na području Općine Gračanica deminirano ukupno 306.807 m² a od toga 182.903,73 m² se odnosi na deminiranje obale i korita rijeke Spreče.

Posjeta delegacija općina Dobojske regije Opštini Indija (Republika Srbija)



U sklopu MDP Projekta razvoja općina (Municipal Development Project), delegacije općina Dobojske regije – Doboj, Doboj Jug, Doboj Istok, Gračanica, Petrovo, Maglaj i Modriča boravili su u radnoj posjeti Opštini Indija u Republici Srbiji s ciljem da se upoznaju sa

organizacijom i funkcionisanjem općinske uprave u Indiji, kao jedne od najbolje organizovanih lokalnih uprava u ovom regionu. Goste iz Bosne i Hercegovine pozdravio je predsjednik opštine Indija Goran Ješić i sa svojim saradnicima prezentirao iskustva i dostignuća te općine koja je, uistinu postala servis građana. Organizacija lokalne uprave, uspostavljena je u desetak odjela i pet agencija, među kojima je agencija za informacione tehnologije, agencija za lokalni razvoj, agencija za ruralni razvoj itd. Osim toga, Indija je jedna od

najpoznatijih općina u Srbiji u pogledu privlačenja stranog kapitala i stranih investitora u privredni razvoj. Organizovanosti lokalne uprave i njena spremnost da izađe u susret potencijalnim ulagačima, jedan je od važnih preduslova za strana ulaganja. U poslovnoj zoni ovog grada svoje pogone otvorilo je nekoliko svjetskih kompanija, koje su zaposlile više stotina radnika. Terra Production d.o.o, fabrika za uslužno punjenje limenki, koje su gosti imali priliku da posjete, rezultat je saradnje između lokalne uprave i stranog investitora. Uz razmjenu iskustava, između ostalog, dogovorena je posjeta privrednika Indije Gračanici, koja će uslijediti prije održavanja Gračaničkog sajma, početkom aprila 2010. godine.

Organizacija lokalne uprave, uspostavljena je u desetak odjela i pet agencija, među kojima je agencija za informacione tehnologije, agencija za lokalni razvoj, agencija za ruralni razvoj itd. Osim toga, Indija je jedna od najpoznatijih općina u Srbiji u pogledu privlačenja stranog kapitala i stranih investitora u privredni razvoj.

Započeti deminerski radovi na koritu rijeke Spreče

Stručni tim Alatnice „Gorenja“ iz Velenja, sastavljen od 50 stručnjaka, koji je predvodio direktor, prof. dr. Blaž Nardin, posjetila je Klaster plastičara i alatničara BiH, sa sjedištem u Gračanici.

Na lokaciji obale i korita rijeke Spreče 13 koja se proteže kroz teritoriju Mjesne Zajednice Pribava, Općina Gračanica, otvoreno je radilište i započeti su deminerski radovi uz nadzor uposlenika Službe Civilne Zaštite Gračanica, inspektora BH-MAC ureda u Tuzli te predstavnika firme Mekem BH d.o.o. Sarajevo. Radovi su započeti 26.10.2009. godine i radi se o projektu I kategorije sa općinske liste prioriteta deminiranja i tehničkog izviđanja za područje MZ Pribava, Općina Gračanica, ukupne površine od 4123 m², projekat je finasiran sredstvima UNDP-a iz Švedske. Do sada je na području općine Gračanica deminirano 298.983,69 m², a od toga 175.079,73 m² se odnosi na realizovane projekte Obale i korita rijeke Spreče.



Stručnjaci „Gorenja“ u posjeti Gračanici i Klasteru plastičara i alatničara BiH

Bosne i Hercegovine, nakon čega su gosti iz Velenja s domaćinima obišli MTTC d.o.o. centar za savremene tehnologije, te firme Plamingo, BEMA-BA i HELIOPLAST.

Ova studijska posjeta stručnih ljudi iz Alatnice Gorenje bila je usmjerena ka razmatranju mogućnosti poslovne saradnje u polju razvoja primijenjenih tehnologija u oblasti prerade plastike i alatničarstva. Tokom posjete inicirana je uspostava i čvršće povezivanje općina konkurentnosti lokalne zajednice i Velenje i Gračanica.